

**PAS Nafi Senarai Kabinet Bayangan Daripada Pakatan Rakyat
Bernama
6 Oktober, 2012**

BESUT, 6 Okt (Bernama) -- PAS menafikan senarai kabinet bayangan Pakatan Rakyat yang disiarkan Utusan Malaysia dan sebuah blog baru-baru ini.

Ketika menafikan demikian, Setiausaha Agung PAS Datuk Mustafa Ali berkata, senarai itu sengaja direka akhbar atau blog berkenaan dengan niat meruntuhkan persefahaman parti itu dengan PKR dan DAP.

"Tak boleh, PKR atau Pakatan Rakyat tak pernah buat senarai kabinet bayangan. Takkan sama apa yang orang itu fikir dengan apa kita fikir.

"Perancangan (susunan kabinet) ada tapi kita tak boleh bagi tau lagi sekarang, tunggu lepas kita menang pilihan raya umum kita umum," katanya.

Beliau bercakap kepada pemberita selepas Majlis Perasmian Perhimpunan Kebangkitan Rakyat PAS Ganti Umno disempurnakan Mursyidul Am PAS Datuk Nik Abdul Aziz Nik Mat di Jabi di sini.

Isnin lepas, Ketua Pembangkang Datuk Seri Anwar Ibrahim berkata kabinet bayangan hanya sesuai diamalkan di United Kingdom dan Australia, bukan di Malaysia.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=700126>